

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2681 del 05/09/2022

Traduzione in mòcheno

Der to van meivern se Euregio: as de 17 van leistagest de lokalmeivensemittln ont de museum van drai derver barn umansist sai'

Sechen de lander van Euregio ont roasn umansist as de koriare ont as de zich van Tirol, Sdtirol ont Trentin: de sèlln as schoa' hom de jor oder secks mu'net tauerkòrt ver de òllgamoa'meivensemittln oder de Euregio Family Pass as de 17 van leistagest 2022, bail der To van meivern se Euregio barn se meing umansist gea' bavai s ist de Europeische boch van meivern se.

Der trèff kimmp gamòcht zboa vert as jor ober haier hòts schea'na naiekaitn: men mu roasn umansist turch de gònze europeische region, va Kufstein finz ka Borghetto, ver de sèlln as schoa' hom de tauerkòrt oder de Euregio Family pass barn meing en vil museum va de provinz va Trea't ont Poazn ont van Tirol umansist gea'. Ver òlla de lait barn kemmen augatu' de tirn van Euregio nochrichtn ont zòmmòrbetn sitzn va Trea't, Poazn ont Innsbruck. Men bart meing de suach mòchen zòmm pet de toalnemmer van team Euregio va um 10.00 en de vria finz um 13.00 nomitto van glaiche to. Ver en Trentin, Casa Moggioli, sitz van Euregio ka Trea't, bart bòrtn groasa ont kloa'na pet an bichtegen programm va untersuach, vederbail der Muse ont de trentinische schlossen barn umansist sai': Castello del Buonconsiglio, Castel Stenico, Castel Beseno, Castel Thun ont Castel Caldes. Ver de autonome Provinz va Poazn hom toalganommen der archeologische Museum van Sdtirol, der Museum va bischenschòft van Sdtirol ont ont der Museum Eccel Kreuzer (lai de ausònder austell); ver en Land Tirol der Ferdinandeum, der Volkskunstmuseum, de Hofkirche, der Zeughaus, der Tirol Panorama mit Kaiserjägermuseum.

Ver òlla de nochricht asn Meivern se To, pet de zich ont de koriare as toalnemmen ont de lista van museum as umansist sai' en de drai lander bart meing kemmen tschauck as de sait as bart kemmen òfbe vernaiert, van sito:

www.europaregion.info/it/mobilityday, oder schraim asn adrèss info@euregio.info.

Aupas: ver a toal museum bart men miasn u'melln se ver za kriang s inrittzeitl. Men vrok za schaung de nochrichtn as de sait van museum.

Do untn de nochrichtn as de drai Euregio sitzn:

Omt ver de nochrichtn ont de zòmmòrbetn van Euregio ka Trea't

Casa Moggioli - Via Grazioli 25, 38122 Trento

tel. +39 0461 494651

Omt ver de nochrichtn ont de zòmmòrbetn van Euregio ka Poazn
Casa della Pesa - Via dei Portici 19/A, 39100 Bolzano
tel. +39 0471 402026

Omt ver de nochrichtn ont de zòmmòrbetn van Euregio ka Innsbruck
Wilhelm-Greil-Straße 17, 6020 Innsbruck
tel. +43 512 508 2355

Ibersetz gamòcht van Sprochtirl va de Tolgamoa'schòft Hoa Valzegu' ont Bersntol
(Traduzione a cura dello Sportello linguistico della Comunità Alta Valsugana e Bersntol)

(cdt)